

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2317357794 և 2317355915 որոշումները բեկանելու և վարչական իրավախախտումների վերաբերյալ գործերի վարույթները կարճելու մասին

<< 17 >> 11 2023թ. 7-13- 11698

ք.Երևան

Ճանապարհային ոստիկանության պետի պարտականությունները կատարող, ոստիկանության գնդապետ Հ.Հակոբյանս, վերանայելով թիվ Ն/7/209923-23 զեկուցագրի քննարկման արդյունքում ստեղծված նյութերը՝

Պ Ա Ր Զ Ե Ց Ի

07.11.2023թ. թիվ Ն/7/209923-23 զեկուցագրով հայտնվել է, որ Հայաստանի Հանրապետության տարածքում տեղադրված տեսանկարահանող կամ լուսանկարահանող սարքերի միջոցով արձանագրվել են 34MT604 հաշվառման համարանիշերի տրանսպորտային միջոցով կատարված իրավախախտումներ և ՏՄՀԻՎԳՔ բաժնի ծառայողների կողմից կայացվել են թիվ 2317357794 և 2317355915 որոշումները, սակայն լրացուցիչ ուսումնասիրության արդյունքում պարզվել է, որ վերը նշված հաշվառման համարանիշերը տեղադրված են եղել այլ մակնիշի տրանսպորտային միջոցի վրա:

Զեկուցագրի քննարկման արդյունքում պարզվել է, որ վերը նշված որոշումները ենթակա են բեկանման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Ճանապարհային ոստիկանության վարչական տույժ նշանակելու մասին վերը նշված որոշումների մաս կազմող լուսանկարներում, տեսանյութերում պատկերված և ՃՈ Էլեկտրոնային ռեգիստրում հաշվառված տրանսպորտային միջոցների նույնականացումը բացասական արդյունքի է հանգեցրել:

<<Վարչարարության հիմունքների և վարչական վարույթի մասին>> օրենքի 63-րդ հոդվածի 1-ին մասի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝

ա) օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով.


բ) կեղծ փաստաթղթերի կամ տեղեկությունների հիման վրա, կամ եթե ներկայացված փաստաթղթերից ակնհայտ է, որ ըստ էության պետք է ընդունվեր այլ որոշում.

գ) շահերի բախման իրավիճակում:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2317357794 և 2317355915 որոշումները բեկանել և վարչական իրավախախտումների վերաբերյալ գործերի վարույթները կարճել:
2. Սույն որոշման օրինակն ուղարկել Ճանապարհային ոստիկանության ՏՄՀԻՎԳՔ բաժին և Սամվել Աղաջանյանին (ծանուցման հասցե՝ Արարատի մարզ, Բաղրամյան գյուղ, Պ.Սևակի փողոց, 25 տուն):



Կատարող՝ Ա.Մարգարյան
Հեռ. 060838402